



## АВЛИГА БА ЖЕНДЭРИЙН АСУУДЛААР СУДАЛГАА ХИЙХ ЖЕНДЭРИЙН СУДЛААЧИЙН АЖЛЫН ДААЛГАВАР

**Байгууллага:** Авлигатай тэмцэх газар, Олон улсын эрх зүйн хөгжлийн байгууллага

**Төсөл:** “Монгол Улсын институцийн шударга, ил тод байдал” (2021-2024)

**Материал хүлээн авах хугацаа:** 2023 оны 5 дугаар сарын 24-ний өдрийн 18.00 цаг

**Ажил гүйцэтгэх хугацаа:** 7 сар

### ОЛОН УЛСЫН ЭРХ ЗҮЙН ХӨГЖЛИЙН БАЙГУУЛЛАГА

Олон улсын эрх зүйн хөгжлийн байгууллага (ОУЭЗХБ) нь энх тайван, шударга ёс, тогтвортой хөгжлийг дэмжин, эдийн засгийн боломжийг нэмэгдүүлэх, хууль дээдлэх ёсыг бий болгохын төлөө хууль эрх зүйн салбарт шинэчлэл хийх, байгууллагын чадавхыг бэхжүүлэхэд улс орнуудын засгийн газар болон олон нийтийн эрх зүйн ойлголт, мэдлэгийг нэмэгдүүлэн, ажилладаг засгийн газар хоорондын олон улсын байгууллага юм. ОУЭЗХБ-ын талаарх дэлгэрэнгүй мэдээллийг цахим болон твиттер хуудас ([www.idlo.int](http://www.idlo.int), Twitter @IDLO)-наас авна уу.

### ТӨСЛИЙН ЗОРИЛГО, ЗОРИЛТУУД

ОУЭЗХБ-ын Монгол дахь Суурин төлөөлөгчийн газар нь АНУ-ын Засгийн газар Төрийн Департаментын дэргэдэх Олон улсын хар тамхи, мансууруулах бодистой тэмцэх, хууль сахиулах товчооны санхүүжилтээр “Монгол Улсын институцийн шударга, ил тод байдал төсөл”-ийг хэрэгжүүлж байна. Төслийн хүрээнд Авлигатай тэмцэх газар (АТГ), Улсын ерөнхий прокурорын газар (УЕПГ) болон Олон нийтийн зөвлөлийн чадавхыг бэхжүүлэх, томоохон авлигын хэрэгтэй тэмцэх чиглэлээр холбогдох талуудын хамтын ажиллагаа, зохицуулалт, үялдаа холбоог сайжруулахад олон талт, ажил арга хэмжээг хэрэгжүүлнэ. Төсөл нь гурван бүрэлдэхүүн хэсэгтэй. Үүнд: i) АТГ, УЕПГ болон хууль зүйн салбарын холбогдох байгууллагын авлигын хэргийг мөрдөн шалгах үр чадварыг нэмэгдүүлсэн байна; ii) Авлигаас урьдчилан сэргийлэх иргэний хяналтыг сайжруулсан байна; iii) Авлигын эсрэг НҮБ-ын конвенцын хэрэгжилт, АТГ-ын Авлигатай тэмцэх үндэсний хөтөлбөрийг боловсруулахад дэмжлэг үзүүлсэн байна. Төслийн талаарх дэлгэрэнгүй мэдээллийг <https://bit.ly/3sOz22O> холбоосноос авна уу.

### ЖЕНДЭРИЙН СУДЛААЧИЙН АЖЛЫН ХҮРЭЭ, ДААЛГАВАР

Жендэрийн судлаач нь ажлын даалгаврын дагуу авлига ба жендэрийн холбоо хамаарал, авлига дахь жендэрийн хэв шинжийг харуулсан судалгааг авлигын чиглэлээр мэргэшсэн судлаачтай хамтран зохион байгуулна. Энэ чиглэлээр хийгдсэн ижил төстэй дотоод, гадаадын судалгаа, баримт бичиг, мэдээллийг цуглуулж, дүн шинжилгээ хийнэ. Төслийн гол хамтрагч буюу АТГ-ын Судалгаа, шинжилгээний алба болон ОУЭЗХБ-ын Хөтөлбөрийн менежертэй зөвшилцөн судалгааны хүрээ, арга зүй, асуумжийг боловсруулна. АТГ-ын Судалгаа, шинжилгээний албатай хамтран үүлзалт, хэлэлцүүлэг хийх, мэдээлэл цуглуулах, судалгааны тайлан боловсруулах ажлуудыг гүйцэтгэнэ. Судлаач нь ажлын даалгаврын дагуу Хөтөлбөрийн менежер, Суурин төлөөлөгчийн удирдлага дор дараах үндсэн ажлыг гүйцэтгэнэ:

- Авлига ба жендэрийн чиглэлээр хийгдсэн дотоод, гадаадын судалгаа, баримт бичгийн судалгаа хийх, дүн шинжилгээ хийх;
- Ажлын төлөвлөгөө, урьдчилан судалсан мэдээлэлд хийсэн судалгааны дүн, судалгааны хүрээ, арга зүй болон зорилго, зорилтыг санал болгон, эхлэлтийн тайланг хүргүүлэх;
- Судалгааны хүрээ, арга зүй, судалгааны асуумжид АТГ, ОУЭЗХБ-аас санал авч, эцэслэх;
- АТГ-ын Судалгаа шинжилгээний албатай нягт хамтран ажиллаж, саналыг тухай бүр тусгах;
- Судалгааны тайланг боловсруулж, хугацаанд нь хүргүүлэх;

- Судалгааны үр дүнг холбогдох уулзалт, хэлэлцүүлгээр танилцуулах;
- Гүйцэтгэлийн тайланг Монгол хэл дээр боловсруулж хүргүүлнэ.

### ЖЕНДЭРИЙН СУДЛААЧИД ТАВИГДАХ ШААРДЛАГА

Жендэрийн судлаач нь дараах үр чадварыг эзэмшсэн байна:

- Жендэр судлал, нийгмийн ухаан, олон улсын хөгжлийн чиглэлээр магистрын зэрэгтэй, докторын зэрэгтэй бол давуу тал болно;
- Энэ чиглэлээр судалгаа, үнэлгээний ажил хийсэн туршлагатай байх;
- Чанарын болон тоон судалгааны арга зүйг эзэмшсэн байх;
- Жендэрийн чиглэлээр сургалт, лекц семинар зохион байгуулсан туршлагатай;
- Монгол хэлний өндөр мэдлэгтэй байх;
- Англи хэлний дундаас дээш түвшний мэдлэгтэй бол давуу тал болно;
- Багаар ажиллах чадвартай, харилцааны өндөр соёлтой байх.

### АЖЛЫН ДААЛГАВАР, ТАВИГДАХ ШААРДЛАГА

2023 оны 6 дугаар сарын 1-ний өдрөөс 12 дугаар сарын 31-ны өдөр хүртэл хугацаанд ажиллана. Хүснэгт 1-д үндсэн ажлуудаас сонгон тайлант хугацаанд хүргүүлэх ажлыг тоймлон харуулав:

#### Хүснэгт 1: Тайланд тавигдах шаардлага

№	Тайлан, Бүтээгдэхүүн	Хугацаа
1	Ажлын календарчилсан төлөвлөгөө, урьдчилан судалсан мэдээлэл, судалгааны хүрээ, арга зүйг санал болгосон эхлэлтийн тайланг Монгол хэл дээр хүргүүлэх	6 дугаар сарын 9-ны өдрийн дотор хүргүүлснээр гэрээний 30 хувийн төлбөрийг төлнө.
5	Судалгааны тайлангийн эхний төслийг Монгол хэл дээр хүргүүлэх (төслийг холбогдох байгууллага, ОУЭЗХБ-д танилцуулан, саналыг авах, тусгах)	2023 оны 9 дүгээр сарын 15
6	Судалгааны тайланг Монгол хэл дээр эцэслэн, холбогдох байгууллага, ОУЭЗХБ-д хүлээлгэн өгөх	2023 оны 9 дүгээр сарын 30
7	Гүйцэтгэлийн тайланг Монгол хэл дээр боловсруулж, хүргүүлэх	2023 оны 10 дугаар сарын 7

Дээрх ажлын гүйцэтгэл, чанар, хугацаанд нь хэрэгжүүлсэн, болон Хөтөлбөрийн Менежерийн хүлээн авсныг үндэслэн зөвлөх үйлчилгээний төлбөрийг олгоно. Хөтөлбөрийн менежер төлбөрийн хүсэлтийг батална. Нэхэмжлэх ирүүлснээс хойш 30 хоногийн дотор төлбөрийг шилжүүлнэ. Ажлын даалгаварт тусгасан бүх ажил буюу судалгааны материалуудад дүн шинжилгээ хийх, тайлан боловсруулах гэх мэт бүх зардлыг багтаан нийт үнийн дүнгээр нэг гэрээг байгуулна.

ОУЭЗХБ нь төсөл хэрэгжүүлэх явцад тулгарч болзошгүй аливаа эрсдэлээс сэргийлэх зорилгоор бүх талуудтай зөвлөлдсөний үндсэн дээр Ажлын удирдамжид өөрчлөлт оруулах эрхтэй.

ОУЭЗХБ нь ажил горилочдод тэгш боломжоор хангах бодлогыг баримталдаг бөгөөд байгууллагын бүхий л үйл ажиллагааг нийцүүлэн хэрэгжүүлдэг.

### БҮРДҮҮЛЭХ БАРИМТ БИЧИГ

Сонирхсон ажил горилочг товч намтар (CV), сонирхлоо илэрхийлсэн захидал (Cover letter), дипломын хуулбар, ижил төстэй хийсэн ажлын тодорхойлох захидлын хамт [ubyambaa@idlo.int](mailto:ubyambaa@idlo.int) цахим хаягт **2023 оны 5 дугаар сарын 24-ны** дотор илгээнэ үү.